

Marrëveshje e Bashkimit me Përthithje

Midis “ERPA Invest” sh.p.k

Dhe

“Teknova” sh.p.k

Sot, në datën 18/01/2023, në Tiranë, midis shoqërive të mëposhtme:

1. Shoqëria “**ERPA Invest**” sh.p.k., shoqëri tregtare me përgjegjësi të kufizuar, e regjistruar në Qendrën Kombëtare të Biznesit me Nuis: L51308018A që ushtron aktivitetin e saj tregtar me seli në adresën: Njesia Bashkiake Nr. 5, Rruga Abdyl Frasheri, Pallati 11/1, EGT Tower, Kati 5, Tiranë, e përfaqësuar nga administrator Znj. **Nertila Jetishi**, mbajtës i letërnjoftimit me numër personal J05707081B, madhor me zotësi të plotë për të vepruar.

(Këtu e në vijim referuar si “**ERPA Invest**” ose, “Shoqëria Përthithëse”)

Dhe

2. Shoqëria “**Teknova**” sh.p.k., shoqëri tregtare me përgjegjësi të kufizuar, e regjistruar në Qendrën Kombëtare të Biznesit me Nuis: L514040070 që ushtron aktivitetin e saj tregtar me seli në adresën: Njesia Bashkiake Nr. 5, Rruga Abdyl Frasheri, Pallati 11/1, EGT Tower, Kati 5, Tiranë, e përfaqësuar nga administrator Znj. **Nertila Jetishi**, mbajtës i letërnjoftimit me numër personal J05707081B, madhor me zotësi të plotë për të vepruar.

(Këtu e në vijim referuar si “**Teknova**” ose, “Shoqëria e Përthithur”)

Këtu dhe më poshtë Shoqëria Përthithëse dhe Shoqëria e Përthithur do të referohen bashkërisht si Palët.

1 OBJEKTI

1.1. Objekti i kësaj Marrëveshjeje është bashkimi me përthithje i shoqërisë “Teknova” shpk nga shoqëria “ERPA Invest” shpk sipas termave dhe kushteve të kësaj Marrëveshjeje.

1.2. Në zbatim të nenit 220 të Ligjit për Shoqëritë Tregtare, “Teknova” do të transferojë nëpërmjet bashkimit tërësisht të gjitha aktivet dhe pasivet e saj dhe ekzistenca më vete e “Teknova” shpk do të përfundojë.

“ERPA Invest” sh.p.k. do të jetë Shoqëria Përthithëse dhe do të vazhdojë ekzistencën e saj nën emrin e saj të regjistruar dhe tregtar: “ERPA Invest” sh.p.k.

2 QËLLIMI I MOTIVUAR

2.1. Shkurtimi i shpenzimeve, përmirësimi i pozitës së shoqërisë në treg, menaxhimi më i mirë i aktivitetit ekonomik dhe financiar, rezultat me të mirë në fitimin e shoqërisë.

3 EFEKTET KONTABËL

3.1. Tërësia e aktiveve dhe pasiveve të "Teknova" shpk, të cilat do të transferohen tek "ERPA Invest" shpk, do të bazohen në bilancet e "Teknova" sh.p.k dhe "ERPA Invest" sh.p.k të mbyllur më datë **05/10/2022** ("Data e Fundit e Kontabilitetit").

3.2. "ERPA Invest" do të aplikojë opsionin për konsolidimin retrospektiv, prandaj bilanci i hapjes pas bashkimit të "ERPA Invest" do të paraqitet si rezultat i bashkimit të njëkohshëm të bilancit dhe gjendjes së pasqyrës së të ardhurave të "Teknova" në "ERPA Invest" duke filluar nga data **06/10/2022** ("Bilanci i Hapjes").

4 VIJUESHMËRIA DHE AKTIVET E TRANSFERUARA

4.1. Në fuqi nga Data e Mbylljes, "**ERPA Invest**" do të jetë pasardhësja, nëpërmjet bashkimit me përthithje e "Teknova" në çdo dhe të gjitha kontratat, aktet dhe marrëdhëniet në të cilat "Teknova" është palë, qoftë ekzistuese ose në të ardhmen. Rrjedhimisht, të gjitha aktivet dhe detyrimet, duke përfshirë të gjitha aktivet materiale dhe jo materiale, të gjitha tepricat kreditore, si dhe të gjitha pronat e paluajtshme, marrëdhëniet kontraktuale dhe marrëdhëniet të tjera juridike dhe pozicione juridike të çfarëdo lloji, të arkëtueshme dhe detyrimet, detyrimet potenciale dhe të ardhurat e ardhshme dhe të kushtëzuara të "Teknova", do të transferohen tek "ERPA Invest" (Aktivet dhe Pasivet e Transferuara"), duke marrë parasysh çdo ndryshim që ndodh deri në datën e mbylljes.

4.2. Aktivet dhe Pasivet e transferuara do të përfshijnë, por nuk do të kufizohen në sa më poshtë vijon:

a. Cdo dhe të gjitha aktivet dhe të drejtat mbi pasuritë e luajtshme ose të paluajtshme, aktivet materiale dhe jo materiale, pa asnjë kufizim ose përjashtim, të cilat i përkasin ose do t'i përkasin "Teknova";

b. Cdo kredi, borxh, depozitë të cdo lloji të krijuar nga "Teknova";

c. Cdo dhe të gjitha të drejtat që lidhen më ndonjë dhe të gjitha detyrimet e vendosura ndaj "Teknova";

e. Cdo kërkesë, mosmarrëveshje, padi dhe procedurë kundrejt cdo Autoriteti ku "Teknova" është pale.

4.3. Aktivet dhe pasivet tatimore të "Teknova" që rezultojnë në pasqyrat financiare të "Teknova" në Datën e Fundit të Kontabilitetit do të transferohen në "Teknova" njësoj si çdo lloj tjetër i aktiveve dhe pasiveve.

4.4. Nëse pëlqimi i një kreditori ose i një pale të tretë është i nevojshëm për transferimin e aktiveve të caktuara, "Teknova" dhe "ERPA Invest" do të përpiqen, ta sigurojnë atë;

4.5. "ERPA Invest" do të marrë në zotërim të gjitha librat, korrespondencën, dhe të dhëna të tjera të shoqërisë që ruan dhe mban "Teknova". "ERPA Invest" do të ruaj librat, korrespondencën dhe të dhënat e tjera të shoqërisë "Teknova" përgjatë periudhës ligjore të ruajtjes.

5 RAPORTIMI I KËMBIMIT TË KUOTAVE

5.1. Si pasojë e realizimit të procedurës së bashkimit me përthithje të shoqërive në këtë operacion, kapitali themeltar i shoqërisë që rrjedh nga bashkimi me përthithje do të mbetet i pandryshuar në vlerën prej **586,359,764** lek dhe do të mbetet në zotërim të ortakëve ekzistues të “ERPA Invest”.

5.2. Bashkimi me Përthithje nuk do të ketë efektë të tjera lidhur me kapitalin e shoqërisë përthithëse duke qënë se kjo e fundit zotëron 100% të kuotave në Shoqërinë e Përthithur.

Për këtë arsye nuk është i nevojshëm raporti i këmbimit të kuotave.

6 KUSHTET PËR REALIZIMIN E MBYLLJES

6.1. Përfundimi i transaksionit të Bashkimit me Përthithje të parashikuar në bazë të kësaj Marrëveshje është subjekt dhe kushtëzohet nga plotësimi dhe përmbushja e kushteve të mëposhtme përpara Mbylljes:

a. Vendimi i Ortakëve të të dyja Shoqërive, për miratimin e Marrëveshjes së Bashkimit me Përthithje, i miratuar të paktën një muaj pas datës së publikimit të kësaj Marrëveshjeje në regjistrin tregtar të Qendrës Kombëtare të Biznesit në përputhje me nenin 216.3 të Ligjit për Shoqëritë Tregtare.

b. Dhënia e miratimit ose konfirmimit të Bashkimit me Përthithje nga Autoritetet përgjegjëse në RSH.

7 MBYLLJA

7.1. Mbyllja do të bëhet në selinë e “ERPA Invest” sh.pk., në Tiranë sa më shpejt që të jetë e mundur, pas përmbushjes së kushtet paraprake për Mbylljen, ose në cdo datë tjetër ose në cdo vend tjetër ku palët do të dakordësojnë në mënyrë reciproke;

7.2. Në ose përpara datës së Mbylljes, Palët do të realizojnë nënshkrimin dhe dorëzimin e dokumentave të mëposhtme:

a. Dorëzimin e vendimeve të mbledhjes së ortakëve së “ERPA Invest” dhe “Teknova” ku miratohet Bashkimi me Përthithje dhe Marrëveshja e Bashkimit me Përthithje, dhe dokumentet përkatëse dhe/ose çdo dokument tjetër pararendës, nëse ka;

7.3. Pas nënshkrimit dhe/ose dorëzimit të dokumenteve të parashikuara në nenin 7.2 më sipër, Palët do të nënshkruajnë Deklaratën e Mbylljes e cila dëshmon përmbushjen e cdo dhe të gjitha kushteve dhe detyrimeve të Palëve për efektivitetin e Bashkimit me Përthithje.

7.4. Bashkimi do të bëhet efektiv në datën e regjistrimit të Bashkimit në regjistrin tregtar në Qendrën Kombëtare të Biznesit në përputhje me Ligjin Nr. 9901, “Për Tregtarët dhe Shoqëritë tregtare” ose në “Datën e Mbylljes” të përcaktuar në Deklaratën e Mbylljes, cilado do jetë me e vonëshmjia prej tyre.

8 SHOQËRIA, TË DREJTAT DHE PËRFITIMET E VECANTA



8.1. Statuti ekzistues i "ERPA Invest" sh.p.k., parashikohet të azhurnohet duke miratuar një Statut të ri, i cili do të reflektojë ndryshimet në objektin e veprimtarisë së saj, për t'u përshtatur me kushtet e reja të ushtrimit të aktivitetit të shoqërisë pas përthithjes.

8.2. "ERPA Invest" sh.p.k. do të jetë Shoqëria Përthithëse dhe do të vazhdojë ekzistencën e saj nën emrin e saj të regjistruar dhe tregtar: "ERPA Invest" sh.p.k.

8.3. Bashkimi me përthithje nuk do të sjellë asnjë ndryshim në organet drejtuese të "ERPA Invest" Sh.p.k. Në datën e ekzekutimit të bashkimit, Administratori i shoqërisë do të vazhdojë të jetë Znj. Nertila Jetishi.

9 MBROJTJA E KREDITORIT

9.1. Kreditorët e "Teknova" janë të mbrojtur në zbatim të nenit 221 të Ligjit për Shoqëritë Tregtare.

10 PASOJAT PËR PUNONJËSIT

10.1. Punonjësit e shoqërisë "Teknova" sh.p.k., janë transferuar plotësisht tek shoqëria pritëse "ERPA Invest" sh.p.k., konform dispozitave ligjore të Kodit të Punës në RSH.

10.2. Në datën e këtij Raporti, shoqëria "Teknova" sh.p.k. nuk ka asnjë punonjës, me përjashtim të administratorit të shoqërisë.

11 ZGJIDHJA E KONTRATËS

11.1. Kjo Marrëveshje do të zgjidhet vetëm në bazë të miratimit me shkrim të të dyja palëve përpara Datës së Mbylljes.

12 LIGJI I ZBATUESHËM

12.1. Kjo Marrëveshje do të rregullohet dhe interpretohet në të gjitha aspektet në përputhje me ligjet dhe çdo dokument tjetër që ka forcën e ligjit në Republikën e Shqipërisë.

12.2. Juridiksioni kompetent do të jetë Gjykata e Rrethit të Tiranës.

13 TË NDRYSHME

13.1. *Paraqitja e kërkesave* - Palët bien dakord që "ERPA Invest" dhe "Teknova" do të ndërmarrin të gjitha veprimet e nevojshme brenda kompetencave të tyre që duhen për të siguruar dhe garantuar përmbushjen e kushteve të parashtruara më sipër.

13.2. "ERPA Invest" do të paguaj kostot në lidhje me Bashkimin me Përthithje dhe në veçanti kostot që lidhen me Mbylljen dhe përgatitjen e të gjithë dokumentacionit ligjorisht të detyrueshëm.

13.3. *Pavlefshmëria e pjeshme* - Nëse një pjesë e kësaj Marrëveshje është ose bëhet e pavlefshme ose jo e detyrueshme për zbatim, Palët janë të detyruara të respektojnë pjesën e mbetura. Palët në këtë rast do të zëvendësojnë pjesën e pavlefshme ose të jo të detyrueshme për zbatim me dispozita të cilat janë të vlefshme dhe të detyrueshme dhe efekti i të cilave, duke pasur parasysh përmbajtjen dhe qëllimin e kësaj Marrëveshje, është në masën më të madhe të mundshme, e njëjtë me pjesën e pavlefshme ose jo të detyrueshme për zbatim.

13.4 Raporti i Hollësisshëm i shoqërive i hartuar në datë 18/10/2022 dhe publikuar në QKB në datën 14/12/2022 nuk pëson asnjë ndryshim dhe mbetet në fuqi edhe pas kësaj Marrëveshje.

13.5. Kjo Marrëveshje përgatitet nga përfaqësuesit ligjorë të shoqërive pjesëmarrëse në bashkim, në gjuhën shqipe, në 3 (tre) kopje të njëjta.

“ERPA Invest” sh.p.k

Përfaqësuar nga:

NGELTILA JETISHI

Administrator



“Teknova” sh.p.k

Përfaqësuar nga:

NGELTILA JETISHI

Administrator



